

**Rregullore per Proceduren  
e  
Regjistrimit ne Tregun e Energjise Elektrike**

**Kapitulli I  
Te Pergjithshme**

NENI 1

Keto dispozita, hartohen ne zbatim te Rregullave te Perkoheshme te Tregut Shqiptar te Energjise Elektrike, Kapitulli III, pika *III.1.2*, te miratuara me Vendimin nr. 139 dt. 25/08/2016 te Bordit te Komisionereve te ERE.

NENI 2

Keto rregulla, percaktojne proceduren e regjistrimit ne tregun e energjise elektrike per çdo person, fizik apo juridik, vendas apo i huaj, te pajisur me Licence nga Enti Rregullator i Energjise ne perputhje me Ligjin nr. 43/2015 , neni 37, i cili kerkon te marre pjese ne Tregun e Energjise Elektrike te organizuar nga Operatori Tregut te OST sh.a. .

**Kapitulli II  
Aplikimi**

NENI 3

Aplikuesi për pjesëmarrje në tregun shqiptar të energjisë elektrike ploteson formularin A1 bashkelidhur te miratua nga OST sh.a. .  
Ky formular terhiqet prane OST - OT ose ne internet ne faqen elektronike te OST sh.a. .

NENI 4

Formulari dhe dokumentacioni bashkengjitur, dergohen me post prane OST-OT, shoqeruar me nje shkrese zyrtare.

NENI 5

Aplikuesi do t'i bashkëngjisë formularit A1 të regjistrimit dokumentet e mëposhtme:

- Informacion teknik, te miratuar nga OST sh.a.
- Licenca, kopje e noterizuar
- Dokumente te leshuar nga OST sh.a. dhe/ose OSSH qe jep akses ne Rrejt ate te Transmetimit dhe/ose Shperndarjes per rastet e Tranzitimeve
- Bilanci i fundit vjetor, i çertifikuar nga organet e tatim taksave, kopje e noterizuar

- Pershkrim per mjetet e komunikimit, deklarate origjinale e aplikuesit
- Informacion mbi detajet dhe menyren e komunikimit

#### NENI 6

Çdo aplikues/ palë e liçencuar që dëshiron të bëhet pjesëmarrëse në tregun shqiptar të energjisë elektrike duhet të depozitojë në OST-OT garancinë financiare për të gjitha shërbimet që sigurohen nga OST sh.a., në përputhje me "Procedurat për llogaritjen e garancisë dhe kontrollin e depozitave" të përgatitura nga OST-OT dhe të miratuara nga ERE.

#### NENI 7

Brenda 10 ditëve punë nga marrja e dokumenteve të regjistrimit, OST-OT do të verifikojë të dhënat e aplikimit dhe dokumentet bashkëngjitur. Jo më vonë se tre dite pune do të dërgojë njoftim aplikuesit për vendimin e marrë lidhur me aplikimin për regjistrim në tregun e energjisë elektrike, në përputhje me Formularin A2 të miratuar nga OST sh.a..

### **Kapitulli III Pranimi i Aplikimit**

#### NENI 8

Aplikuesi që ka marrë njoftimin për pranimin e aplikimit për regjistrim në tregun e energjisë elektrike ose i janë rekomanduar udhëzime dhe kushte të detyrueshme për rregullimin e gabimeve të mundshme në formularët e aplikimit dhe dokumentet bashkëngjitur duhet të kthejë përgjigje për plotësimin e kërkesave të parashtruara në këto formular, nga OST-OT, brenda 10 ditëve punë, nga dita që ka marrë njoftimin.

#### NENI 9

Pas zbatimit të gjithë kërkesave të mesiperme të regjistrimit, OST-OT do të rregjistrojë pjesëmarrësin në regjistrin e palëve dhe do të nënshkruajë Marrëveshjen e Pjesëmarrjes në Treg të miratuar nga ERE.

#### NENI 10

Pas nënshkrimit të Marrëveshjes për Pjesëmarrjen në Treg nga përfaqësuesi i autorizuar i palës kërkuese, regjistrimi si pjesëmarrës i ri i tregut bëhet efektive në datën e zbatimit të saj

#### NENI 11

OST-OT do të publikojë në faqen e saj të internetit një listë të palëve të regjistruara me informacion mbi emrin, numrin e identifikimit, datën e regjistrimit dhe statusin

#### NENI 12

Çdo palë është e detyruar t'i dërgojë informacion operatorit të tregut mbi ndryshimin e informacionit të dhënë në regjistrim, brenda 6 ditëve punë nga ndodhja e ndryshimit.

#### NENI 13

OST-OT do t'i rregjistrojë zyrtarisht të gjithë pjesëmarrësit e tregut në tregun e energjisë elektrike duke i evidentuar në një regjister të vecantë.

### **Kapitulli IV Refuzimi i Aplikimit dhe Mosmarreveshja për Regjistrimin**

#### NENI 14

OST-OT mund ta refuzojë regjistrimin në tregun e energjisë elektrike në këto raste:

- Gabime në formularin e regjistrimit dhe dokumentet bashkangjitur që nuk janë korrigjuar brenda 10 ditëve punë
- Detyrime ndaj Operatorit të Rrjetit të Transmetimit të OST sh.a.-së, që nuk janë likuiduar.

OST-OT nuk do ta regjistrojë një palë në rast mosplotësimi të kushteve brenda termave të përcaktuara në këto rregullore dhe në Rregullat e Tregut Shqiptar të Energjisë Elektrike.

#### Neni 15

Në rast refuzimi të regjistrimit, aplikuesi ka të drejtë ta kundërshtojë refuzimin me një letër drejtuar ERE-se brenda 10 ditëve punë pas marrjes së tij

#### Neni 16

ERE-ja do të verifikojë nëse arsyet e refuzimit janë të justifikuara dhe do të marrë vendimin brenda 15 ditëve punë nga marrja e tij.

#### Neni 17

Në rast refuzimi të regjistrimit nga OST-OT, aplikuesi mund të nisë një procedurë të re regjistrimi në tregun e energjisë elektrike 1 muaj pas datës kur refuzimi i OST-OT merr formë të prirë.

Refuzimi i regjistrimit të dhënë nga OST-OT merr formë të prirë të nesërmen e marrjes dijoni për vendimin e ERE-s që le të fuqi këtë refuzim

Në të kundërt, refuzimi i regjistrimit merr formë të prirë pas mbarimit të afatit të ankimit në ERE, prej 10 ditë pune

#### Neni 18

Në rast se vendimi i ERE-s konfirmon se Operatori i Tregut e ka refuzuar në mënyrë të pajustificuar regjistrimin në tregun e energjisë elektrike, OST-OT është e detyruar që brenda 5 ditëve punë nga marrja e vendimit të ERE-se t'i dërgojë aplikuesit një njoftim për pranimin e formularit të regjistrimit në tregun e energjisë elektrike.

### **Kapitulli V**

#### **Kërkesa për Terheqje, Pezullimi dhe Përfundimi i Pjesëmarrjes në Treg**

#### Neni 19

Një pjesëmarrës tregu mund të tërhiqet nga tregu i energjisë elektrike me iniciativën e tij, bazuar në një njoftim me shkrim të nënshkruar nga përfaqësuesi i autorizuar i këtij pjesëmarrësi, në përputhje me formularin A3 të miratuar nga OST sh.a.. Njoftimi duhet paraqitur të paktën 3 muaj para datës së anulimit të regjistrimit të pjesëmarrësit të tregut. Pas marrjes së këtij njoftimi, OST-OT do të informojë menjëherë të gjithë pjesëmarrësit e tjerë të tregut.

#### Neni 20

Nëse pjesëmarrësi nuk mund t'i plotësojë të gjitha kushtet e Rregullave të Tregut atëherë pjesëmarrësi ose OST-OT duhet të informojë ERE-në brenda 10 ditë pune nga konstatimi për kushtet.

#### Neni 21

OST -OT do të pezullojë veprimtarinë tregtare të pjesëmarrësve nëse plotësohet ndonjë nga kushtet e mëposhtme:

- Pjesëmarrësi i tregut nuk përmbush më një ose më shumë kushte të nevojshme për regjistrim si pjesëmarrës tregu (siç përcaktohet në keto Dispozita)
- Pjesëmarrësi i tregut nuk përmbush më kërkesat që lidhen me garancinë financiare ose nuk bën pagesat e tjera (te parashikuara ne keto Dispozita)
- Pjesëmarrësi i tregut nuk respekton Marrëveshjen për Pjesëmarrjen në Treg
- Pjesëmarrësi i tregut gjendet vazhdimisht fajtor për mosrespektimin e rregullave të tregut dhe gjithë kodeve të zbatueshme për tregun shqiptar të energjisë elektrike ose marrëveshjen financiare.

#### Neni 22

Nëse pjesëmarrësi i tregut nuk mund të provojë se e ka shmangur shkakun (Shkaqet) që shkaktoi pezullimin e tij, gjatë periudhes së specifikuar në njoftimin për pezullim, atëherë OST-OT do të procedojë me përfundimin e Marrëveshjes për Pjesëmarrjen në Treg.

Nëse ky vendim i OST-OT kundërshtohet nga pjesëmarrësi atëherë pas paraqitjes së ankesës, ERE-ja do të verifikojë nëse arsyet për pezullimin e veprimtarive tregtare janë të justifikuara dhe do ta japë vendimin brenda 15 ditëve punë nga marrja e ankesës.

#### Neni 23

Nëse regjistrimi i pjesëmarrësit të tregut pezullohet atëherë të gjitha ofertat e mbetura pezull (të reja) të pjesëmarrësit të tregut do të anulohen automatikisht për gjithë periudhën e pezullimit.

#### Neni 24

OST-OT ka te drejt te përfundojë Marrëveshjen për Pjesëmarrje në Treg të një pjesëmarrësi tregu, në secilin nga këto raste:

- Nëse pjesëmarrësi në treg nuk përmbush më një ose disa nga kushtet e nevojshme për regjistrimin si pjesëmarrës tregu (siç përcaktohet në keto Dispozita)
- Pjesëmarrësi i tregut nuk përmbush më kërkesat që lidhen me garancinë financiare ose nuk bën pagesat e tjera (te parashikuara ne keto Dispozita)
- Nëse pjesëmarrësi i tregut nuk respekton Marrëveshjen për Pjesëmarrjen në Treg
- Nëse pjesëmarrësi në treg gjendet vazhdimisht fajtor për mosrespektimin e rregullave të tregut dhe gjithë kodeve të zbatueshme për tregun shqiptar të energjisë elektrike

#### Neni 25

OST-OT revokon menjehere Marrëveshjen për Pjesëmarrjen në Treg, kur ERE-ja i heq pjesëmarrësit në treg licencën përkatëse. Të gjithë ofertat e tregut te ketij pjesëmarrësi anulohen automatikisht që nga data e deklaruar në njoftim.

Neni 26

Pjesëmarrësi i tregut, Marrëveshja për Pjesëmarrjen në Treg e të cilit ka përfunduar, është përgjegjës për gjithë detyrimet ligjore që ka ndaj OST-OT.

Neni 27

Keto dispozita hyjne ne fuqi pas miratimit nga ERE.